



Selasa, 09 November 2021
Ogen: 1 Samuel 25:18-19



Nggejabken Kesusahen Teman



Ngayaki siman tadingenken, banci jadi istilah e nggo rusur kal si begi. Ija pengertinna pe merambo-rambo nggo siantusi, eme kebiaken jelma si la ngeteh kai kin si jadi perayaken si tuhu-tuhu bas kegeluhen. Dampak i bas la ngeteh kai kin si man ayaken gelah jadi kesangapen i doni bagepe i surga mahanca melala jelma terjeng ngukuri si secara materi ngenca ras mpepulungsa, piah dungna jadi jelma si ngukuri dirina saja ras la erguna man kalak si deban, ndatken pengukumen Tuhan erkiteken kalak si bage meganjang nge ukurna. Contohna si Nabal.

Sangana Daud seh ku Paran, nggo piga-piga wari ia i je, isuruhna suruh-suruhenna mindo pangan man Nabal. Tapi alu meganjang ukur Nabal itulakna mere man persuruhan Daud ndai janah nina la tandaina ise Daud e. Emaka kenca ibegi Daud uga reaksi Nabal ndai, padahal ia sekalak si bayak kal. Iukum Daud atena ia ras keluarganya, tapi ope lenga isehkenna sura-surana reh Abigail, ndehara Nabal si mehuli ras pentar. Iberekenna 200 ngkibul roti, 2 guci anggur, 5 biri-biri panggang, 17 kilo buah gandum, 200 kue buah ara ras 100 tandan anggur. Janah erkiteken kiniulinna, terkelin ia ras keluarganya arah ancamen ukumen Daud, selaku raja Israel si nggo iurapi Tuhan. Nggeluh enda arus maka lit ka perasanta man teman, ruluh-ulih rukur ningin kin. Emaka adi lit kalak mindo man banta asa man guna perpanganenna ntah perpinemnalah gia, ola kal kita mediker. Nggejabken kesusahen teman jadi kesusahenta epe sada karunia Tuhan si perlu terus iasuhi. Sabap mbelin kal gunana. Perputaren roda kegeluhen banci jadi maba kita arah teruh sada paksa, tapi pasti lit tan-tan terdudur nggejabken kesusahenta adina sanga megegeh e nggit kita ndudurken tan nampati kalak sideban. Tuhan la pernah lupa kiniulin si semaike kita.